



سلسلة صوت الروح  
مع صغرات مثلث الرحمة  
الأقبا مكارى

محاسبة النفس أخر كل عام

قارب العام على الانتهاء لذلك يلزم الإنسان السائر في طريق  
الخلاص أو في طريقه الروحي ، واجب بين عامين ان يقف  
ويراجع نفسه ويدخل العام الجديد مدخلاً جديداً .  
محاسبة النفس محتاج اليها الإنسان في نهاية كل يوم ولذلك  
نقدم لكم بعض المبادئ الروحية التي تلزمنا ان نعيش بها في  
العام الجديد وكل عام . لكي نقتررب من الهدف .  
الحرص وسيلة مهمه من وسائل النجاح في الحياة الروحية .  
الإنسان يجب أن يكون حريصاً في كلامه ، في تعاملاته ، في  
فكره ، وأيضا حريصاً على وقته . حريصاً في سلوكه .  
حياة الإنسان وزنه معطاه له من الله لكي يتاجر بها  
التجارة الروحية ويربح خلاصه وخلص الآخرين .

سلسلة صوت الروح  
من عظات مثلث الرحمة  
نياحة الأنبا مكاري  
أسقف سيناء المتنيح

## محاسبة النفس آخر كل عام

إصدار

أبناء الأنبا مكاري

ت: ٠٢/٤٣١٨٣٩١

٠١٢٣٦٣٤٧١٨



صاحب الغبطة والقداسة البابا شنودة الثالث  
بابا الإسكندرية وبطريك الكرازة المرقسية ١١٧٧

كتاب  
تاريخ  
الكنيسة  
القسطنطينية

الطبعة الثالثة - ٢٠٠٣

رقم الإيداع / ١٧٠٥٨ / ٢٠٠٠

شركة الطباعة المصرية ت ٦١٠٠٥٨٩

## مقدمة

يقول الرب في سفر أرميا ١٦: ٦ (هكذا قال الرب قفوا على الطرق وانظروا واسألوا عن السبل القديمة وأين هو الطريق الصالح وسيروا فيه فتجدوا راحة لنفوسكم).

ما أحوجنا جميعاً في هذه الأيام ونحن نودع عاماً مضى ونستقبل عاماً جديداً، إلى وقفة مع النفس لكي نراجع حياتنا وسلوكنا خلال العام المنقضى وكيف نستقبل العام الجديد، محاولين بمعونة الرب أن لا نتعثر في نفس الأخطاء السابقة.. ويسعدنا في هذه المناسبة أن نقدم إلى كل نفس محبة وخادمة وكارزة في كرم الرب يسوع.

إلى كل النفوس البعيدة والقريبة نقدم لكم تعاليم وعظات أبانا الأسقف المنتبح الأنبا مكارى أسقف شبه جزيرة سيناء كمعلم وكارز ومبشر بكلمة الرب يسوع من طراز فريد.. ضارعين إلى الرب يسوع أن يكون هذا الكتيب سبب بركة وخلص لنفوس كثيرة بصلوات سيدتنا كلنا والدة الإله القديسة مريم وبصلوات قداسة البابا المعظم الأنبا شنوده الثالث.

ولربنا المجد الدائم إلى الأبد آمين...

أبناء نيافة الأنبا مكارى



مثلث الرحمة نيافة الأنبا مكارى  
أسقف شبه جزيرة سيناء

## بِسْمِ الْآبِ وَالْإِبْنِ وَالرُّوحِ الْقُدُسِ

### الإله الواحد آمين

(محاسبة النفس آخر كل عام) لثيافة الأنبا مكاري

### عظة: محاسبة النفس آخر كل عام

بنعمة ربنا يسوع المسيح مرَّ عام من أعوام كثيرة،  
ولولا عناية الله ورأفته وحفظه للإنسان، ولولا  
معونته لم يكن ينصرف العام ونحن لا نزال أحياء،  
وفي سلام ونعمة وصحة، ويد الله ترافق الإنسان يوماً  
بيوم، سواء في حياته الخاصة أو في حياته العامة.  
وحياة الإنسان وزنة مُعْطاة له من الله علشان يتاجر بها  
التجارة الروحية ويربح.

عمر الإنسان على الأرض وزنة يتاجر بها، ربنا  
أعطاهها له وفي الآخر يقول له أعطني حساب  
وكالتك.. أعطيتك صحة، أعطيتك وقت، أعطيتك  
نقود، معرفة، ضمير، أعطيتك وسائل النعمة  
المختلفة.. أعطيتك ظروفاً معينة تعيش فيها، وكل

عطايا الله للإنسان جيدة. ولا يُرفض شيء إذا أخذه  
الإنسان بالشكر، وفي النهاية الرب يقول له أعطني  
حساب وكالتك.

التاجر الحكيم يُقدِّم الربح ويربح خلاصه  
وخلاص الآخرين، وطبعاً لا يوجد أحد يشك أن  
الإنسان له نهاية على الأرض محتومة سوف تأتي ولا  
تتأخر أو تتقدم عن ميعادها.

علشان كده إحنا مطالبين من الله بالاستعداد  
الدائم. قارب العام على الانتهاء، لذلك يلزم الإنسان  
السائر في طريق الخلاص أو في طريقه الروحي.  
واجب بين عامين.. بين نهاية عام وبداية عام جديد  
أن يقف الإنسان ويراجع نفسه ويدخل العام الجديد  
مدخلاً جديداً. لئلا تعدى به الأيام والشهور والسنين  
دون أن يتغير أو دون أن يتقدم. علشان كده بنعمة  
ربنا يسوع المسيح هاأقول بعض المبادئ الروحية التي  
تلزمنا أن نعيش بها في العام الجديد وكل عام، لكي



نقترب من الهدف، مثل القديس بولس عندما يقول  
أسعى نحو الغرض. كل إنسان أمامه هدف أو غرض  
يسعى إليه، يشوف بيقترّب من الهدف أم لا. بيتقدم  
للأمام أم بيرجع للخلف، أم واقف محله. هذه  
المبادئ تساعد الإنسان أن يسعى نحو الغرض، وأول  
مبدأ يلزمنا كلنا أن نعيش به هو..

#### أولاً: محاسبة النفس..

الواحد واجب أن يحاسب نفسه باستمرار ويتأمل  
في سلوكه، محاسبة النفس بعد الخطأ مباشرة، إذا  
الإنسان انتبه أنه أخطأ، المفروض أن يرقع قلبه ويقول  
أنا أخطأت ويطلب من ربنا الغفران في هذه اللحظة.  
ومحاسبة النفس محتاج إليها الإنسان في نهاية كل  
يوم بعد ما يخلص كل حاجة وصلّى وقرأ الإنجيل  
واجب عليه يجلس ولو لدقائق قليلة ويسترجع الـ  
٢٤ ساعة الأخيرة. حصل فيها إيه! بيراجع تأملاته  
وأقواله وتصرفاته وأفكاره والأمور التي تصرف فيها

كويس. يشكر ربنا عليها. والأمور التي تصرف فيها  
خطأ يحاسب نفسه عليها ويطلب من ربنا معونة.

أيضاً محاسبة النفس قبل الذهاب لأب  
الاعتراف. مثلاً إفرض أن الإنسان لم يذهب لأب  
الاعتراف منذ شهر أو أكثر يجلس مع نفسه ويقول  
الفترة دي حصل فيها إيه؟ يكتب في ورقة خاصة به  
ويكتبها بطريقة لا يفهمها غيره، علشان عندما يذهب  
يعترف يبقى عارف إيه اللي هيقوله ولا ينسى شىء.  
ومحاسبة النفس قبل الاعتراف مرات كثيرة تجعل  
الواحد يعرف إيه الضعفات التي تتكرر كثيراً في  
حياته، معنى مثلاً يتذكر أنه دائماً ينفع بسرعة أو هو  
بيزل بلسانه أو في تقصير في واجبات روحية معينة  
تتكرر، بمعنى أنه يكون بيقتيد ويقارن بين كذا جلسة  
اعتراف من الذي كتبه قبلها سوف يجد أمور  
وضعفات متكررة، وهذا يجعله يركز عليها أكثر.

وآخر حاجة يراجع فيها نفسه في نهاية عام أو قبل



عيد من الأعياد بينكرر لكي يدخل على العيد لازم يأخذ فرحة العيد. إذا كان عيد سيدي أو حتى قبل عيد ميلاده هو يقول سنة عدت منى السنة الماضية ماذا عملت فيها!

#### ثانياً: ممارسة التوبة ..

لأن التوبة بلازمها محاسبة النفس.. والقديس يوحنا قال فى سفر الرؤيا «انظر من أين سقطت وتب» يبقى الواحد لما يحاسب نفسه يعرف من أين سقط وهذا يساعده ويقوده إلى التوبة. طبعاً عدم التوبة يعنى الهلاك. إنسان لا يمارس التوبة قال عنه الرب يسوع فى لوقا ١٣: ٥ «إن لم تتوبوا فجميعكم كذلك تهلكون»، وقال لهم مثالين لو تفتكروا الجليليين الذين خلط بيلاطس دمهم بذبائحهم هل كانوا مخطئين أكثر من كل الذين فى الجليل؟ كلاً.. أو أولئك الـ ١٨ الذين سقط عليهم البرج فى سلوام وقتلهم، أتظنون أن هؤلاء كانوا مذنبين أكثر من جميع

الناس؟ كلاً.. بل إن لم تتوبوا جميعكم تهلكون. الإنسان الذى لا يمارس التوبة فى حياته يبقى سائر فى طريق الهلاك وأيضاً القديس يوحنا الكارز بالتوبة قبل مجيء الرب يسوع له المجد كان بيتقول لهم «توبوا لأنه قد اقترب منكم ملكوت السموات. قد وضعت الفأس على أصل الشجرة. كل شجرة لم تصنع ثمرًا تقطع وتلقى فى النار». التوبة مش حادثة بتحصل فى حياة الإنسان. التوبة يلزم أن ترافق مسيرة الإنسان باستمرار طوال حياته على الأرض، طول عمره يمارس التوبة، ولا يقول أنا تبت وخلص. ممكن إنسان يكون فى حياته توبة كبيرة، يعنى حولت مسار حياته تحول كبير وتحول جذرى مثل 'شاؤل'. حدث تحول كبير فى حياته بالتوبة، لكن مش معنى كده أن توبته انتهت. التوبة تلازم الإنسان طوال مسيرته، والذى يساعد الإنسان على التوبة وعلى محاسبة النفس أنه يكون له أوقات يجلس فيها مع



نفسه، مش كل عمره مشغول بالناس والأعمال والواجبات والاجتماعات. فترات السكون التي يجلس فيها مع نفسه مثل ما قيل عن الابن الضال (فرجع إلى نفسه)، معنى إيه؟ هو كان خارج نفسه؟ يعنى الإنسان عندما يكون مشغول بالهموم والأعمال يكون برّه نفسه.

طبعا بعد التوبة أمام الله مطلوب الاعتراف عند أب الاعتراف. إحنا عندما نخطئ فى الأول، الخطية ضد الله نفسه لأن الخطية تبقى ضد إنسان معين فى الغالب، فتكون خطية فى حق إنسان. يعنى نفرض أنا كذبت على واحد، أنا لما كذبت أسأت للشخص الذى كذبت عليه وفى نفس الوقت إساءة فى حق الله، لأن «الله أوصانى أن لا أكذب»، ولذلك قال داود النبى + إليك وحدك أخطأت والشر قدامك صنعت + مع أنه أخطأ لأوريا الحشى، وأخطأ لزوجة أوريا الحشى، وأخطأ لهيكل الله الذى هو جسده.

والقدیس بولس قال «من یفسد هیكل الله سیفسده الله»، یبقى أخطأ ضد الله. وما دمت أنا أخطأت إلى الله یبقى لازم أعترف أمام الله بالخطأ.

### ثالثاً: الاعتراف أمام أب الاعتراف ..

طبعا ناس كثير تقول ما كفاية إني أنا اعترفت أمام ربنا، طبعا ده موضوع طويل، لكن يكفى أن أقول أن الاعتراف مصحوب بالخشع وانسحاق النفس. الإنسان يخجل من غيره. مهما أنا اعترفت أمام الله، خلاص ما حدش شافنى، مش مكسوف. حتى لو أكون قتلت وأقول له يارب أنا قتلت. لكن واحد بيعترف أمام أب الاعتراف يبقى فيها خجل وفيها تواضع وفيها مشاعر تذلل. ذى ما فى البستان قول «واحد تلميذ بيكلم أبه الروحى فأبوه الروحى رد عليه وقال له يا إبنى إحنا ما بنخافش من ربنا زى خوفنا من الكلب، فقال التلميذ حاشا يا أبى لا تقل كده. قال له الأب الروحى أعرفك هذا صح. إفرض



أنى أنا باسرق ولم يرانى غير كلب وبدأ يزعق بصوته علىّ - هخاف من الكلب وألغى السرقة لأحسن الكلب يهدلنى، يبقى بأخاف من الكلب أكثر من مخافة ربنا. تماما فى الاعتراف الواحد بيخجل، فيها عنصر التذلل وانسحاق وانّضاع. والكتاب بيقول كده «من يكتّم خطاياہ لا يتنجح ومن يقرو ويعترف بها يُرحم». أنتم تعرفوا قصة عخان بن كرمى فى سفر يشوع عند ما قال له يشوع «إعترف أمام الله وأخبرنى ماذا عملت، لا تخف عنى شيء»، لم يقل عخان بن كرمى أنا اعترفت أمام ربنا خلاص وأقولك إنت ليه، إنما قال له أنا وجدت فى الغنيمه رداءً شنعارياً نفيساً وفضة وذهب فاشتيتها وأخذتها انظروا قال له «إعترف إلى الله وأخبرنى. الاعتراف الكامل يكون كده- يوحنا المعمدان يقول خرج إليه جميع أهل أورشليم وكل القرى المحيطة بالأردن معترفين بخطاياهم كان يلزمهم الاعتراف وكانوا يروحوا له

عشارون كان يقول لهم لا تستوفوا أكثر مما فرض لكم. جنديون كان يقول لهم لا تظلموا أحدا ولا تشوا بأحد واكتفوا بعلائفكم - ناس عاديين يقول لهم اعترفوا بخطاياكم من له ثوبان فليعط من ليس له. يعنى كل فئة كانت تعترف بخطاياها، كان يعطى لها العلاج المناسب لخطاياها، والقديس بولس يقول لأن الأمور الحادثة منهم سرّاً ذكرها أيضاً قبيح، لكن الكل إذا توبخ يظهر بالنور لأن كل ما أظهر فهو نور. فالإنسان ينظر خطيئته طول ما الخطيئة ما اعترفش بها مستتره ومش هيغلبها. فى تاريخ الكنيسة لو واحد فيه خطيئة مسيطرة عليه ولم يعترف بها يظل مغلوب منها. لكن إن كشفها يأخذ قوة للانتصار عليها.

#### رابعا: معالجة نقط الضعف ..

ونقط الضعف خطية معينة يكون الإنسان مغلوب منها، عادة مسيطرة عليه، أو كيف - طبعاً الإنسان الساكن فيه، ومحاسبة النفس تساعدنا على اكتشاف

نقط الضعف، والإنسان مفروض عندما يكتشف  
ضعفاته يجاهد ضدها لكي يتحرر منها لأن الرب  
يسوع له المجد قال لنا في يوحنا إصحاح ٨: ٣٤ «كل  
من يفعل الخطية فهو عبد للخطية ولكن أن حرركم  
الإبن فبالحقيقة تصيرون أحراراً». والقديس بولس  
يقول «كل الأشياء تحل لى تكن ليس كل الأشياء  
توافق». القديس بطرس يقول أيضاً «ما انقلب منه  
أحد فله مستعبد أيضاً»، يعنى مغلوب من حاجة  
معينة يبقى أنا عبد لها. فمفروض الإنسان يكتشف  
نقط ضعفه ويجاهد ضدها بمعونة ربنا علشان يتحرر  
منها - لا بد من جهاده ولا بد من نعمة ربنا تسنده.  
إن جاهدت بدون النعمة يبقى أن لم بين الرب البيت  
فباطلا تعب البناءون ونعمة ربنا من غير جهاد لا..  
وربنا لا يعطى نعمته لواحد لا يجاهد. أنت مجاهد  
والنعمة تساعدك. إن لم يكن بداخلك روح الجهاد،  
نعمة الله لن تشترك معك. ويشبهوا الجهاد والنعمة

بالجندى الذى يعطوا له سلاح، السلاح هو النعمة،  
بالسلاح يقدر أن يغلب عدوه. لكن لو الجندى ترك  
السلاح وحارب من غيره سوف يهزم. يبقى ده  
الجهاد بدون النعمة. كمان لو الجندى اتكل على  
السلاح وهو نفسه لا يعرف أن يستعمل السلاح ولا  
بيعمل التداريب واللياقة البدنية ولا يتعلم الحرب  
وأصول استخدام السلاح. أيضاً السلاح وحده لا  
يكفى.

#### خامساً: التسليح بروح الرجاء ..

لأن الخطأ ليس معناه الفشل أو اليأس، ولكن  
مفروض على الإنسان أن يجاهد ويعتمد على نعمة  
ربنا «يقول أستطيع كل شيء فى المسيح الذى يقوينى»  
وفى ميخا النبى «لا تشمتى بى يا عدوتى أن سقطت  
أقوم أن جلست فى الظلمة الرب نور لى» وهناك  
قصة بالبستان تقول كان فيه راهب مستعبد لخطية  
معينة وكان يتكرر منه الخطأ كثيراً لكن كل ما يخطئ

يقوم ويصلى ويجاهد ضد الخطية ويمارس وسائل  
التوبة. فالشيطان ملّ من جهاده فظهر له مرة وقال له  
أما نخزي من الوقوف أمام إلهك وأنت نجس فقال له  
الراهب أنت تضرب مرزبه وأنا أضرب مرزبه. أنت  
توقعنى فى الخطية وأنا أخرج إلى رحمة الله والجهاد  
الروحى والصلاة والتوبة وسوف ترى من الذى  
سوف يغلب أنت والأ نعمة ربنا. فيقول منذ ذلك  
الوقت الشيطان لم يحاربه قائلاً لئلا أسبب له أكاليل  
بسبب رجائه فى إلهه. لأن رجاءه بالرب حى. ومهما  
كان الضعف حتى لو أكون زى إيعازر، اللى قالوا له  
يارب قد أنتن لأن له فى القبر أربعة أيام. الواحد  
يجاهد ويطلب ويقول لو أنت يارب قلت كلمة  
واحدة إيعازر هيقوم بكلمة واحدة منك. فالخطأ  
مش معناه الفشل لازم تتسلح بروح الرجاء. طالما  
بيجاهد نعمة الله تسنده، وربنا يسوع قال من يقبل  
إلى لا أخرجه خارجاً مهما كانت خطيئته. لكن لو

لم يذهب للرب هيظل فى ضعفه لأن من الوسائل  
القوية التى يحارب الشيطان بها الإنسان بعد الخطيئة  
أن يقول له خلاص أنت لا ينفع لك صلاة أو صوم  
ولا اعتراف ولا تناول. أنت لا فائدة منك. دى  
أصعب من الخطية نفسها. هذه خطية بوقعنا فيها  
الشيطان أصعب من الخطية التى عملها. خطية صغر  
النفس ويوقعه فى الفشل ويقربه من اليأس وبعد كده  
يبقى بلا قوة وبلا رجاء ويصبح أسير فى يد  
الشيطان. وفى تاريخ الكنيسة كان فيه قديسين كبار  
نقلهم ربنا من عمق الضعف ومن عمق الظلمة ومن  
عمق الخطيئة والنجاسة وصاروا قديسين عظماء  
بسبب أنهم جاهدوا وأزرتهم نعمة الله. القديس  
الأنبا موسى الأسود من ضمن هذه الأمثلة تلقبه  
الكنيسة بالقوى أنبا موسى. قوى فى التوبة، قوى فى  
جهاده، فى ليلة واحدة ذهب إحدى عشر مرة لأب  
اعترافه بسبب الحرب الشديدة التى كانت عليه.

## سادسا: التحلى بالحرص ..

الحرص وسيلة مهمة من وسائل النجاح فى الحياة الروحية الإنسان يبقى حريص. حريص فى كلامه فى تعاملاته. فى فكره أى فكر شرير لا يستسلم له ولا يتفاوض معه لا يعطى له فرصة لينجس قلبه. نجد الفكر يتحول إلى شهوة فى القلب، أيضا حريص على وقته. حريص فى سلوكه، له قانون روى فى دخوله أو خروجه. يأتى له الشيطان مثلاً يقول إطلع بره اليوم واخرج، عايز يضيع وقته. يقول له الإنسان أنا لن أخرج اليوم لأن الخروج الكثير يجعله يخرج بره نفسه أو يقول له عدو الخير اذهب قابل فلان اليوم.. يرد عليه الإنسان ويقول له فلان سوف أقابله بعد غد. طبيعى مثلاً أعمل الحاجة الفلانية يقول له لما أشوف الحاجة دى هترضى ربنا والأ لا. يشوف العمل هذا مطلوب والأ غير مطلوب ممكن تأجيله ولا مش ممكن. أعطى له ساعتين أو أكثر أو أقل.



القديس أبنا أنطونيوس قال «لا تطع جميع أفكارك» مش أى فكر يلمع فى ذهنك تنفذه على طول. افحصه شوف عدو والأ صديق. مش عارف قول خلىنى محللك سر حتى يظهر لى حقيقة الفكر أصلى وأطلب معونة ربنا لأنى إنسان. الآباء يقولوا ممكن إنسان يجمع كثير لكى يضيع الذى جمعه. وفيه إنسان يجمع قليل لكن يحافظ على هذا القليل. يصبح الذى جمع قليل وحافظ عليه أفضل من الذى يجمع كثير وغير محافظ عليه. وأى فضيلة محتاجة لحرص وإلا تضيع، وكثير من الخطايا نمارسها بسبب الاستهتار والتهاون والاستخفاف بالأمر. تقول وإيه يعنى دى بسيطة - مثل الذى يسرق البيضة النهارده، بكره يسرق الجمل - الذى يقع فى الصغائر بعد كده ينزلق إلى الكبائر. فالشيطان يبدأ بحاجة صغيرة وبعدين أكبر منها ثم أكبر حتى يربطه بربطة زيادة لغاية لما يبقى غير قادر أن يتحرك من كثرة الرباطات.



### سابعاً، افتداء الوقت ..

وهذه نقطة مرتبطة بالحرص . أقولك ده الوقت ده عمري هو أنا عمري إيه غير شوية وقت . أنا لو ضيعت نصف ساعة أضيع يوم . واليوم يبقى أسبوع والأسبوع يبقى سنة والسنة دي يبقى هضيع السنة الجاية وعمري كله . وأنا عمري إيه غير شوية وقت ، علشان كده الرسول بولس يقول «انظروا كيف تسلكون بالتدقيق لا كجهلاء بل كحكماء مفتدين الوقت لأن الأيام شريرة» . تتكلم فى التليفون اتكلم على قدر المطلوب فقط وسلام . أنت مش فى زيارة فى التليفون متضيعش وقتك ، رايح مشوار على قدر المطلوب ، إذا تأخرت يبقى أنت ضررت نفسه ونفس الذى ذهبته إليه . تقول أنا لا أجد وقت لكى أصلى . أقولك لا ، أنت عندك وقت بس أنت بتضيع وقت الصلاة . أنت لو عندك رغبة فى الصلاة ، هتقول الساعة كام أروح بسرعة خلاص ربنا معاكم تصبحوا



على خير . طيب والموضوع الفلانى بعدين إن شاء الله أنا مشغول ورايا ميعاد حالاً نكمل الموضوع فى مرة ثانية . حافظ على وقتك ، لأن عدو الخير يحب أن يضيع وقت الإنسان ويجعله يتعود على هذا . لازم الإنسان يكون متيقظ وعارف أن الوقت هو عمره .. هو حياته ، كان ممكن الوقت الذى ضاع يعمل فيه حاجة تفيد وتبقى رصيده له ، مش بس ممكن تضيع الوقت فى أمور غير نافعة ، ممكن نضيع الوقت فى أمور ضارة تضر الإنسان مثل الكلام الكثير . علشان كده فيه قول فى البستان يقول النوم فى سكون أفضل من السهر فى الأحاديث ، ممكن واحد نام بدرى علشان يستيقظ مبكراً يصلى . لكن سهران فى الرغى ضيع وقت الصلاة بتاع الليل وكما هيستيقظ متأخر لا يجد وقت للصلاة صباحاً . تبقى أنت ولا صليت الصباح ولا صليت فى الليل والنهارده زى بكره وبكره زى بعده ، وعدو الخير يخليك زى اللى بيجر



يكسروه، القديسين العظماء لم يستدثوا قديسين  
عظام، ولكن ابتدأوا صغار مثل أي واحد، لكن  
الفرق أن هذا يمشى للأمام وذلك يمشى للخلف أو  
يمشى خطوة ويتوقف ويتراجع. الراجل المليونير ابتدأ  
صغيراً بس كل ما كان عنده فرصة أن يدخر كان  
بيحوش ومع الوقت بيزيد ربحه وبيزيد رصيده لكن  
لم يبدأ مليونيراً. أيضاً القديسين العظام كده كان  
إنسان عادي خالص، والكتاب يقول «كان إيليا  
إنسان تحت الآلام مثلنا»، تحت الآلام يعني معرض  
لآلام الخطية وأوجاع الخطية. القديس من هؤلاء كان  
يقول لا أنام إلا إذا صليت. طيب أنت مريض، يقول  
المريض لما يصلى ربنا يشفيه. طيب أنت عندك حمى،  
يقول الحمى ربنا يشفيها بس لازم أصلى. لا أنام إلا  
إذا صليت، ده قانون «أوفى نذورى للرب يوماً  
فيوماً» وأنت إذا تعودت على عدم الصلاة اليوم ربما  
لا تصلى غداً. القديس يوحنا القصير في سيرته يقول



ساقية بيلف على طول ولما يجي تسأله يقولك مافيش  
وقت إحنا مشغولين، ماتقولش مافيش وقت، قول  
مافيش رغبة، قول ما فيش مراجعة مع النفس، قول  
مافيش حكمة في التصرف. والقديس يوحنا السلمي  
يقول الراهب الخائب أول ما يضرب جرس الكنيسة  
النوم يثقل عليه وأول ما يبقى فيه أحاديث وقصص  
وتسالي تبقى عينيه مفتوحة للصبح. لكن في الكنيسة  
نقف نتشاءب، واللى يساعد على افتداء الوقت  
مراعاة الترتيب والنظام في كل شيء، والكتاب  
بيقول «ليكن كل شيء بلباقة وبحسب ترتيب»، وكل  
حاجة تبقى بترتيب والترتيب يساعد على افتداء  
الوقت.

#### ثامنا: التمسك بالقانون الروحي ..

النمو الروحي مرتبط بالقانون الروحي، القديسين  
صاروا قديسين لأنهم احترمو القانون الروحي، ولم



عندما كان يقف يصلى كان عدو الخير يحاربه مثل وحش واضع يديه فى يديه ورجليه فى رجليه وكأنه هينهشه طول الصلاة لا يتركه إلا إذا أبطل صلاة. ورغم هذا كان يواظب على الصلاة. «فى صلاة فى صوم فى قراءات روحية فى اعتراف فى تناول فى خدمة»، لابد أوفى نذورى للرب يوماً فيوماً. عدو الخير يقول لك أنت الآن مرتبك صغير لما يبقى كبير إدفع العشور. هيزيد المرتب ومش هتدفع العشور، لأن الأمين فى القليل أمين أيضاً فى الكثير، والظالم فى القليل ظالم أيضاً فى الكثير. القانون الروحى لا يقول تسبب الـ ١٥ يوم دول وتصوم بقية الصوم، يقول ما دام تعودت أنك تسبب يوم واحد من الصوم. والشيطان يبقى هيحرمك من الصوم كله نهائى. القانون الروحى نمارسه من أول يوم فى السنة إلى آخر يوم فى السنة. ممكن ظرف يخلينى أقلل من عدد المزامير، ماشى، ويبقى ضميرى مستريح لأن الواحد قدم كل ما عنده وربنا لا يطلب منى أكثر مما

عندى لكن أقل مما عندى... لا. أعرف إنسان روحى يبقى فيه أمراض هذا عددها وواحد علاج وأدوية كثيرة ووقت الصلاة يقول وقفت أصلى وبعد كده يشوف معونة الله ويختبر عطايا الله ويزداد إيمانه بالله وتعزياته بالله وينمو بقوة الله لأنه ما بيهملش قانونه الروحى، والكتاب يقول أنت بلا عذر أيها الإنسان.

#### تاسعا: إنهاء الخصومات بالصلح ..

طبعاً الرب يعلمنا قائلاً «إن قدمت قربانك أمام المذبح وهناك تذكرت أن لأخيك شيئاً عليك فاذهب أولاً واصطَلح مع أخيك وتعال حينئذ وقدم قربانك»، ويقول «إن كان ممكناً فحسب طاقتكم سألوا جميع الناس» رومية (١٢). وفى الرسالة للعبرانيين يقول القديس بولس «اتبعوا السلام مع الجميع والقداسة التى بدونها لن يعاين أحد الرب»، فالصلح مهم. تذكرت لأخيك شيئاً عليك روح الأول صالحه، وبعدين تعال صلى أو تعال وتناول وتعال وقدم الخدمة أو اذهب للعمل الإلهى.

## عاشرًا: الحكيم يتعلم من الأخطاء السابقة والحوادث السابقة ..

يعنى فيه قديس اسمه أغاثون لما كان يغلط كان لا يبكت نفسه كثيرًا على الخطأ، إنما كان يقول لنفسه بمعونة ربنا لن يكون لها ثانياً، يعنى مش هتتكرر ثانية. إنسان بيتعلم من الأخطاء. والأخطاء السابقة متحزنش عليها كثيرًا وتقدم توبة وندم بس مش زيادة عن اللازم. وإنما تقول ممكن درس لى دى تعلمنى أن أكون حريص أكثر. تعلمنى إنى أبقي مش متسرع، تعلمنى أفكر. تعلمنى أن أفتح قلبى وأصلى، تعلمنى أن أتجنب المكان ده، تعلمنى أن أكون مع الشخص ده حريصًا فى كلامى. الأخطاء السابقة.. الإنسان الحكيم يستفيد منها والحوادث السابقة سواء فى حياتى أنا أو فى حياة الآخرين. يعنى مثلاً تسمعوا أنه فيه كنيسة كانت طالعة رحلة فيها شبان وشابات وحدث أن عريسة بمقطورة خبطت الأتوبيس وحصل أن عدد كبير من الشباب والشابات انتقلوا. دى

حادثة ماحصلتش فى حياتى، حصلت فى حياة الناس الآخرين، مفروض نستفيد من الحادثة، وتقول معناه إيه الحادثة دى؟ طب نستفيد إيه من الحادثة دى؟ كان فيها شبان مش عواجيز. وطبعاً الشبان دول فى لحظة تواجهوا مع الله وانتهت حياتهم وقال لكل واحد أعطى حساب وكالتك، فالإنسان يستفيد من الأخطاء السابقة والحوادث السابقة، سواء فى حياتى أو فى حياة الآخرين. كل حاجة بتحصل ماتقولش دى بتحصل صدفة. لانشوف ممكن أن بد الله وراء الموضوع ده، الله ضابط الكل، وخصوصاً الحوادث الكبيرة، لكن الإنسان اللى عنده حس روحى كل حاجة بيترجمها لسبب روحى. ليه الحاجة الفلانية التى تضيع منى. إذ تسرق منى ليه اتسرق. أقولك شوف يمكن أنت مش أمين فى فلوس ربنا. يمكن العشور لا تدفعها لربنا، كل حاجة ترجمها، ليه حصل كده؟ فكر أو صلى، قوله ليه يارب كده. لا تأخذ الأمور بتفكير بشرى. افحص الموضوع بطريقة



روحية، وإن معرفتش صلى، قوله ياربى عايز أعرف  
ليس حصل كده، ليه سمحت بكده، أنت ما أردت  
بكده جايز، لكن ليه سمحت بكده، يبقى الإنسان  
ياخذ موعظة من الحوادث والأخطاء اللى بتحصل  
فى حياته أو فى حياة الآخرين. فيه قصة.. كان فيه  
إنسان فلاح أو بستانى قال إن ربنا أدانى الصحة  
وأدبنى باشتغل، فاشتغل فى الأرض، قال يارب أنا  
بأكسب أو كده أنا هأعيش بأد كده، وأوعدك الباقي  
ده ليك أنت. وعاش بالعهد ده فترة وياخذ الإيراد  
يوم بيوم عايش احتياجاته الضرورية، وجه فى يوم  
الشيطان وسوس فى ودانه وقال له أنت دلوقت  
بتضيع كل اللى بيجيلك أول بأول، إنت دلوقتى ربنا  
مديك صحة وبتشتغل، إفرض بكره وبعده لما تبقى  
كبير فى السن متقدرش تشتغل، هتسول؟ أو إفرض  
إن جالك مرض من الأمراض ولم تقدر أن تشتغل،  
هتعمل إيه؟ مين يصرف عليك؟ هتعيش إزأى؟ مش  
لازم القرش الأبيض ينفع فى اليوم الأسود؟ وأنت  
بتعشر، مش لازم تشيل علشان بكره ومحدث ضامن

الزمن والكلام ده. قال.. فعلا الكلام ده مضبوط، أنا  
لازم أوفر وكفاية يارب متزعش منى. اللى أنا  
أعطيته للفقراء قبل كده كفاية، أنت مش هتطلب  
منى ثانى ونحوش لبكره. وذات يوم بيعزق دخلت  
فى رجله شوكة ورجله بقى فيها جرح والميكروب  
اشتغل بسرعة وبعد كده أخذوه للطبيب. الراجل  
رجله متورمة. قال الطبيب، للأسف دى معدش ينفع  
فيها علاج مفيش مضاد حيوى. مفيش مطهر. قال  
لهم دى لوقتى مينفعش فيها غير القطع. دى بقت  
غرغرينه فى رجلك خلاص. تنقطع طبعاً وقد  
يصرف كل اللى حوشه على الأطباء والعلاج مفيش  
فايده وبالليل صابح يقطعوا له رجله. وبعدين وهو  
بيصلى ليه يارب حصل كده، رجلى تنقطع ليه  
يارب. قاله مانت بتحوش علشان العلاج، أنت  
بتحوش علشان بكره وبعده، إنت كنت فى الأول  
متكل على وكنت بتلقى همومك على ومكنتش  
بتفكر فى بكره وكنت عامل بالآية اللى بتقول «لا  
تهتموا بما للغد لأن الغد يهتم بما لنفسه» أنت

دلوقتي بتفكر وتقول نفسك بكره وبعده، علشان كده  
اللى حصلك أنت تعرف سببه. قاله أخطأت يارب  
وبعدين أخذ في غفوة وجد واحد من القديسين عمل  
له العملية في رجله، وفي الصباح جاء الدكتور ومعه  
المنشار علشان يقطع رجله. لقي رجله سليمة و٢٤  
قيراط ومعالجة. قال أنت فيه دكتور غيري جالك  
وعملك عملية؟ قال له أبوه، فيه دكتور غيرك عمل  
لى العملية. وقال أشكرك يارب أنك رحمتني  
وصححت أفكارى ونجيتني من الشرير. ورجع  
لطقسه الأول زى ما كان في الأول. فالواجب علينا  
أننا نستفيد من الحوادث والأخطاء اللى في حياتنا  
وحياة الآخرين، صحيح بتقدم توبة عن الأخطاء،  
لكن الأخطاء مفروض تدينا درس وموعظة نفتنى  
فيها زيادة في المعرفة والحكمة وخبرة روحية علشان  
يزداد تمسكنا بربنا وخضوعنا له، ويزداد إيماننا  
وطاعتنا للرب.

ولربنا المجد دائما أبدياً آمين..